



## DESCRIPCIÓN DO PROXECTO

Descrición e xustificación do proxecto a levar a cabo, sinalando os seus obxectivos e resultados agardados.

Inicio 08/05/2019.

Finalización 29/05/2019.

### Xustificación

Este proxecto consistirá no deseño, impulso e consolidación dun proceso de construción colaborativa da memoria do barrio de Vite, principalmente desde a súa construción nos anos sesenta á época actual, salientando a importancia do tecido asociativo e do *Plan Sociocomunitario* na súa revitalización nos anos oitenta e noventa, pero tamén dando cabida á memoria anterior á construción do barrio urbano, para unha mellor comprensión dos procesos de transformación dos espazos urbanos e, en concreto, do espazo que hoxe ocupa este barrio.

Pretende, ademais, dar resposta á necesidade de tecido asociativo, de implicación de todos os axentes sociais, de xeito que a cidadanía, construindo unha memoria que funciona como elemento vertebrador, sexa partícipe no proceso actual e permanente de construción do barrio. Neste sentido, é importante coñecer ata que punto a construción de barrios periféricos resulta ser unha simple resposta á necesidade de vivendas, constituindo zonas habitacionais, con núcleos familiares illados, nas que coinciden situacións precarias e conflitivas, así como aprender a reverter este tipo de situacións grazas ao compromiso e traballo dun tecido asociativo organizado.

### Obxectivos

Obxectivo principal do proxecto é:

- Construír, de forma colaborativa, o *“Arquivo da memoria de Vite”*. Este arquivo incluírá material referente á evolución do barrio, en distintos formatos (textual, gráfico, audiovisual) e soportes (papel, fotografías, gravacións, documentos dixitais). Trátase de crear un espazo público, físico e/ou virtual, que conteña a memoria do barrio; aspecto imprescindible para a construción dunha identidade común fundamentada no coñecemento e a reflexión, así como para facilitar as conexións entre antiga e nova veciñanza e entre as novas e as vellas xeracións.

Na consecución deste obxectivo principal, atenderase tamén aos seguintes obxectivos específicos:

- Implicar a toda a comunidade, tanto á veciñanza como ás diferentes asociacións do barrio e aos servizos públicos.
- Implicar no proceso a antiga veciñanza, de xeito que comparta as súas vivencias no barrio.

- Promover o contacto interxeracional, para que as novas xeracións teñan coñecemento da historia do barrio.

### **Resultados agardados**

Ao rematar o proxecto agárdase que se teña creado o “*Arquivo da memoria de Vite*” e asentadas as bases, os espazos e os procedementos necesarios para que este sexa un arquivo vivo, en continua construción por parte da comunidade.